

Kam mon begīventē?

Baisē pasēēlges, tavēs nesolaukes,
Topo pri longelē – liūdnos, sosētraukēs.
Vēsa nakti viejē drebēna būdinka,
Nu perkūna šala ē vērpiejē kinkas.

Smarkē pliaupē lītos, kūtie baubē karvēs.
Sargē pri būdalēs iš naktēis – ni smarvēs.
No ē tego ūkis vēsos ein po biesa,
Je morzelēs tava daugiau nebregieso!

Ruoduos, pernā metās vēskas tvarkuo bova:
Karto mēigtamajem statiev nauji luova...
Lesēnā pīlītius ē perekle vēšta.
Niekor nebiegiuojē, neiškuojē prēšta...

Noj... bet mona laimē tik kramalie lēka.
Mosintās karakterē, kap sakuoma, neštēka.
Vies aptēla. Stuosious. Pamonkštinsio kuojēs
Ē ruskēnēs bieģēs trauksio ont Lēipuojēs.

Gal paklīdēs dampis užvažious ont monēs,
Gal supliešis pēktē bruoliu latviu šonis...
Kam mon bestuoruotēis, dēl kuo begīventē?
Geriau mērt vēinam, nego vēinam pasentē